



**Francisci De Fargna Civitatis Plebis Patrii Philosophiæ,  
Sacræ Theologiæ, ac J. U. Doctoris ... Commentaria In  
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de  
Romæ, M. DCC. XIX.**

Canon XXIV.

---

[urn:nbn:de:hbz:466:1-72172](#)

## C A N O N   X X I V.

CLEMENTS XI. Regula 36, Cancellaria,

**I**Tem statuit, & ordinavit idem D. N., quod si quis quæcumque simoniaco ingressu, ex quovis titulo, Apostolicâ, vel Ordinaria collatione, aut electione, & electionis hujusmodi confirmatione, seu præsentatione, & institutione illorum, ad quos Beneficiorum hujusmodi collatio, provisio, electio, & præsentatio, seu quævis alia dispositio pertinet, per triennium pacificè possederit ( dummodo in Beneficiis ejusmodi, si dispositioni Apostolicæ ex reservatione in generali corpore Juris clausa reservata fuerint, se non intrusur) super eisdem Beneficiis taliter possessis molestari nequeat, nec non impetrations quaslibet de Beneficiis ipsis sic possessis factas, irritas, & inanes censeri debere decrevit, antiquas lites super illis motas penitus extinguendo.

## C O M M E N T A R I U M.

**E**X hoc Canone ista deducitur conclusio.

POSSIDENS PACIFICE BENEFICIUM PATRONALE PER TRIENNIA AD PRÆSENTATIONEM ILLIUS, AD QUEM SPECTAT JUS PATRONATUS, NEQUIT SUPER EODEM BENEFICIO TALITER POSSESSO MOLESTARI, DUMMODO NON HABUERIT INGRESSUM SIMONIACUM, AUT EX TITULO RESERVATIONIS IN CORPORE IURIS CLAUso = Quam conclusionem sequuntur etiam Gomes super Regula de Triennal. in præfat. & qu. 9. Antonell. de temp. legal. lib. 2. cap. 53. num. 1. Cassador. decis. 5. num. 5. de reßit. spoliat. Card. de Luc. de benef. disc. 91. num. 1. & seq. Rot. decis. 280. num. 1. & seq. cor. Buratt., & decis. 171. num. 1. & seq. coram Bich. & decis. 392. num. 10. & seq. coram Celso, & decis. 327. num. 4. coram Cerro, & decis. 609. num. 5. par. 18. & decis. 423. num. 17. & seqq. par. 19. rec. & in Conchen. Præstimonii 17. Januarii 1701. §. Verum, & §. Non relevante coram Eminentissimo Priolo, & in Treviren. Canonicatus 6. Martii 1716. §. Ipse siquidem cor. R.P.D. Crispo.

¶ Per hunc Canonem ex Decreto Concilii Basiliense desumptum, ut testantur Gomes hic in præfat. Lotter. de re benef. lib. 2. quæst. 53. num. 2. liberat Summus Pontifex triennalem possessorem beneficii sive liberi, sive patronalis à quibuscumque molestiis eorum, qui tanto temporis spatio jus suum petere neglexerunt, dummodo ingressus in beneficium non fuerit simoniacus, aut hoc non fuerit reservatum S. Sedi ex generali reservatione in corpore juris clausa. Statuit autem in tenuendo hujusmodi possessore triennium, quia cum veteres Legislatores in actibus judicialibus, & extra judicialibus multum huic numero ternario tribuerint, ut pluribus legum exemplis ostendere conatur idem

Pars VI.

CCC 2

Gomes

Gomes hic quæst. I., Papa ad horum immitationem potius triennium, quām aliud tempus præfixit.  
Quoad hanc conclusionem sequens examinatur Casus.

## ARGUMENTUM.

Institutus ab Ordinario in Beneficio patronali vacato per obitum Familiaris Cardinalis, & illud pacificè possidens per triennium, an successivè molestari possit, & beneficium impetrari, si appareat ingressum in illud suisse simoniacum, simonia commissa à Patre Instituti, seu Beneficiati, hoc penitus ignorante.

## SUMMARIUM.

- 1 Regula Triennalis suffragari non potest possidenti beneficium ex titulo ingressus simoniaci; Limita, ut num. 11. neque si beneficium sit reservatum. Limita, ut num 12.
- 2 Enumerantur requista ad hoc ut Regula de Triennali locum habeat, & num. 3. 4. 7. & 8.
- 3 Interruptio possessionis Triennalis se habuit originem à lite judiciali, durat non obstante quocumque collitigantis silentio, si verò procedat à molestiis, iſtis cessantibus, cessat & ipsa interruptio.
- 6 Lis si fuerit introducta post annalem possessionem an impedit eursum triennalis possessionis.
- 7 Regula de Triennali non intrat in beneficiis unitis.
- 9 Regula de Triennali locum non habet contra incompatibilitatem beneficiorum induciam à Concilio.
- 10 Regula de Triennali tueretur Possessorum in judicio tam petitorio, quām possessorio.

## CASUS UNICUS.

**V**acato Beneficio Patronali A extra Curiam per obitum Familiaris cuiusdam Cardinalis; quidam obtinuit præsentari à Patrono proprium Filium, mediante pecunia, id eo penitus ignorantem; qui fuit institutus ab Ordinario; & beneficium pacificè possedit per triennium; Quæritur an hujusmodi Possessor benefi-

cii successivè molestari possit, & beneficium à S. Sede impetrari.

Affirmatiyam dubii resolutionem suadet exceptio expressa hujus *Canonis*; Liberat enim hujusmodi *Canon* triennalem Possessorem beneficii à quibuscumque molestiis, exceptis casibus simoniaci ingressus in illud, & reservationis; utraque exceptio in præsentiarum concurrere videtur; si quidem ingressus in hoc beneficium patronale fuit simoniacus, dum Pater Instituti, seu Possessoris beneficii obtinuit illum præsentari à Patrōno, interveniente pecunia; Et Beneficium est S. Sedi reservatum in vim *Regulæ quartæ Cancellariae*;

- 1 Ex quo sequitur quod Regula de Triennali huic Beneficiato suffragari minimè possit Card. de Luc. de benef. disc. 135. num. 5. Rot. decis. 423. num. 19. & seq. par. 19. recent. & in Conchen. Præsimonii 17. Januarii 1701. §. Non relevante cor. Eminentiss. Priolo.
- 2 At veritas est in contrarium. Etenim ad hoc, ut habeat locum Regula de Triennali requiritur primo Triennalis possessio, & titulus saltem coloratus, vel saltem quod effluxerint anni decem ad illum presumendum; Gomes hic quæst. 45. Lotter. de re benef. lib. 2. quæst. 53. num. 14. Card. de Luc. de benef. disc. 91. num. 13. & 16. & disc. 135. num. 5. Rot. disc. 130. num. 9. & seq. coram Celso, & decis. 294. num. 1. coram Roxas, & decis. 264. num. 4. par. 9. & decis. 238. num. 8. par. 12. recent. Secundo requiritur quod hujusmodi possessio concludenter probetur integrè usque ad ultimum momentum. Card. de Luc. de benef. d. disc. 91. num. 9. Rot. coram Celso ubi supra, & decis. 238. num. 3. par. 12.
- 3 4 Requiritur tertio quod ipsa sit pacifica, & nullatenus interrupta, quod evenire potest dupliciter, nimirum per litem, aut per molestias extra judiciales ac de facto, dummodo istæ interpolitæ sint vel ad impediendam possessionem, vel ad removendam fructuum perceptionem. Card. de Luc. d. disc. 91. nu. 21. & seq. Rot. decis. 171. num. 26. cor. Bich. & decis. 699. num. 2. & seq. coram Buratt. & decis. 609. nu. 7. & seq. par. 18. & decis. 423. nu. 22. par.

- 5 par. 19. rec. cum hac tamen differentia quod si interruptio originem habuit à lite judiciali, durat non obstante quocumque collitigantis silentio, & impedit inchoare novam possessionem, si verò proveniat à molestiis extra judicialibus, hanc prosequitione cessante, cessat interruptio, & non impeditur quo minus incipere possit novum triennium aptum, & sufficiens ad hoc, ut habere possit locum. Regula Card. de Luc. ubi supra num. 26. Rot. decis. 294. num. 28. & seqq. cor. Roxas, & decis. 264. num. 32. & seqq. par. 9. rec.
- 6 Animadvertedo tamen, quod si lis fuerit introducta post annalem possessionem, hæc annalis possessio facit, ac si lis non fuisset introducta, adeò ut non impedit cursum triennalis possessionis. Gomes super regul. de annal. quæst 81. num. 2. Rot. decis. 263. num. 6. & decis. 345. num. 10. par. 17. & decis. 609. par. 18. & in Conchen. Præstimonii 17. Januarii 1701. §. Non relevante coram Eminentissimo Priolo.
- 7 Requiritur quarto, quod beneficium non sit unitum, quia Regula non intrat in beneficiis unitis, eo quia in unitis nondatur vacatio, & consequenter nec possessio, Tondut. quæst. benef. 85. num. 62. Card. de Luc de benef. disc. 135. nu. 8. Rot. decis. 202. in fin. cor. Cavaler. & dec. 551. coram Coccin.
- 8 Requiritur denique, quod possessio non sit contra Decreta S. Concilii Tridentini c. 4. sess. 7. & c. 17. sess. 24. & c. 15. sess. 25. de refor. quoniam si quis possideret beneficium contra dispositionem horum Decretorum, e.g. si quis possideret per triennium duo beneficia incompatibilia, ei suffragari non posset Regula de triennali quia hæc locum non habet contra incompatibilitatem inductam ex dispositione S. Concilii Tridentini habentis Decretum irritans. Fagnan. in cap. De Multa de Præbend. num. 48. Garz. de benef. par. 11. quæst. 5. num 379. Gomes super hac Regula quæst. 10. Barbos. ad Concil. sess. 24. de reform. cap. 17. num. 51. Panimoll. decis. 31. adnot. 1. num. 48. Rot. in Frisingen. Canon. 9. Januarii 1705. §. final. coram Eminentissimo Scotto; & in Augustana Canon. 27. Januarii 1714. §. final. cor. R.P.D. Crispo, & in Monasterien. Canon. 13. Maii 1715. coram R.P.D. Falconerio.

Hæc omnia requisita concurrunt in casu præsenti; dum præfatus Possessor possedit beneficium cum titulo, saltem colorato, videlicet ex institutione reportata ab Ordinario ad præsentationem Patroni; per integrum triennium, & pacificè, absque ulla interruptione, & resistentia supradictorum Decretorum S. Concilii; & beneficium, quod ita per triennium possedit non est unitum; unde per necesse intrat ad ejus favorem dispositio hujus Canonis, qui tuetur Possessorem in quovis judicio tam petitorio, quam possessorio, adeò ut iste molestari amplius non valeat, ex quocumque defectu, quem ejus titulus pati possit. Rot. decis. 264. num. 1. par. 9. & decis. 423. num. 17. par. 19. recent. & in Treviren. Canon. 16. Martii 1716. S. Ipse si quidem cor. R.P.D. Crispo; & in Colonen. Canon. 17. Junii 1718. S. Præterea cor. R.P.D. Foscaro. & aliæ Autoritates in Comment. relatae.

11 Non obstat, quod ingressus in hujusmodi beneficium fuerit simoniacus, quia simonia fuit commissa non per Possessorem beneficii, sed per ejus Patrem eo penitus ignorante, ac nullatenus cooperante, quo casu triennalis possessio prodest possidenti beneficium ex titulo infecto simoniæ, vel confidentia ita commissæ, ut expresè tueretur Gomes super hac Regula quæst. 12. §. Et ista ibi = Et ista, quæ dicta fuerunt, procedunt in scientie simoniaco, secùs in ignorantie; ut quia pater, vel frater aliquid dedit pro dando beneficio filio, vel fratri, eo penitus inscio, quia talis ignorans bene defenderetur Regula = Mantic. decis. 211. nu. 3. §. Et quamvis ibi = Et quamvis confidentia in ejus collatione fuerit commissa ab ejus patre, nihilominus filio ignorantis adhuc competit exceptio dictæ Regulæ de triennali. Card. de Luc. de benef. disc. 91. num. 6.

- 12 Minusque adversatur, quod supradictum beneficium sit ex capite familiaritatis reservatum, quia Regula triennalis excipit tantum reservationem in corpore juris clausam, nempe ob vacationem per obitum apud Sedem juxta Text. in cap. 2. & cap. præsenti de præben. in 6. ita ut quælibet alia reservatio non sufficit ad elidendam triennalem possessionem. Card. de Luc. de benef. disc. 132. num. 9. Rot. decis. 264. num. 6. par. 9. rec.

CA.